




BOSNIA AND HERZEGOVINA
MINISTRY OF FOREIGN TRADE AND ECONOMIC
RELATIONS

Broj: 08-2-50-772-2/24
Sarajevo, 11.03.2024. godine

Bosna i Hercegovina
Parlamentarna skupština
Bosne i Hercegovine
Predstavnički dom/Zastupnički dom



Predmet: Zastupničko pitanje, dostavlja se odgovor.

Ermina Salkičević Dizdarević, zastupnica u Predstavničkom domu Parlamentarne skupštine Bosne i Hercegovine uputila je Ministru vanjske trgovine i ekonomskih odnosa BiH zastupničko pitanje u pisanom obliku.

Da li je tačno da od 2012.godine do sada nije održana niti jedna sjednica Komiteta, a u vezi preuzimanja direktiva novog pristupa? Zamolila bi da se pojasni zašto se ne sazivaju sjednice Komiteta po ovom pitanju vrlo bitnom za evropski put BiH, a posebno ako imamo u vidu preporuke Evropske komisije, kao i obaveze BiH prema članu 75. Sporazuma o stabilizaciji i pridruživanu.?

Na postavljena Zastupnička pitanja, ministar vanjske trgovine i ekonomskih odnosa BiH je dao sljedeći pisani:

ODGOVOR

Od formiranja pa do danas, održano je ukupno 19 sjednica Komiteta za tehničke propise Bosne i Hercegovine. U skladu sa članom 6. stav 4. Zakona o tehničkim zahtjevima za proizvode i ocjenjivanju usklađenosti („Službeni glasnik BiH“, broj 45/04), Komitet je dao saglasnosti za podzakonske propise koji su usvojeni od strane Savjeta ministara Bosne i Hercegovine. To su:

- Upustvo o načinu izrade i postupku donošenja tehničkih propisa („Službeni glasnik BiH“, broj 35/06);
- Program preuzimanja tehničkih propisa („Službeni glasnik BiH“ broj 35/06);
- Odluka o planu aktivnosti za realizaciju programa preuzimanja tehničkih propisa („Službeni glasnik BiH“, broj 89/06);
- Odluka o uslovima i načinu priznavanja dokumenata i znakova usklađenosti izdatih u inostranstvu („Službeni glasnik BiH“, broj 107/10).

U skladu sa članom 6. stav 1. i stav 6. Zakona o tehničkim zahtjevima za proizvode i ocjenjivanju usklađenosti („Službeni glasnik BiH“, broj 45/04), a u vezi sa članom 8. Programa preuzimanja tehničkih propisa („Službeni glasnik BiH“, broj 35/06), Komitet za tehničke propise BiH je imenovao članove petnaest ekspertnih timova za preuzimanje direktiva novog pristupa, na čelu sa

entitetskim službenicima u rangu pomoćnika ministra. Do danas, svoje aktivnosti je završilo ukupno sedam ekspertnih timova, te je na prijedlog Komiteta za tehničke propise BiH, ministar vanjske trgovine i ekonomskih odnosa Bosne i Hercegovine donio sedam naredbi:

- Naredba o opremi pod pritiskom („Službeni glasnik BiH“, broj 52/11),
- Naredba o neautomatskim vagama („Službeni glasnik BiH“, broj 47/11),
- Naredba o ličnoj zaštitnoj opremi („Službeni glasnik BiH“, broj 75/10),
- Naredba o elektromagnetskoj kompatibilnosti („Službeni glasnik BiH“, broj 41/10),
- Naredba o sigurnosti liftova („Službeni glasnik BiH“, broj 44/10; „Službeni glasnik BiH“, broj 99/12),
- Naredba o sigurnosti mašina („Službeni glasnik BiH“, broj 04/10),
- Naredba o električnoj opremi namijenjenoj za upotrebu unutar određenih naponskih granica („Službeni glasnik BiH“, broj 98/09).

Posljednja sjednica Komiteta za tehničke propise Bosne i Hercegovine je održana, 2021.godine kada je usvojen Pravilnik o imenovanju i nadzoru tijela za ocjenjivanje usklađenosti.

Preuzimanje direktiva novog pristupa EU u ovoj fazi procesa integrisanja Bosne i Hercegovine u Evropsku uniju, Ministarstvo vanjske trgovine i ekonomskih odnosa je planiralo Programom integrisanja Bosne i Hercegovine u EU, a shodno Zakonu o tehničkim zahtjevima za proizvode i ocjenjivanje usklađenosti („Službeni glasnik BiH“, broj 45/04) i Programu preuzimanja tehničkih propisa („Službeni glasnik BiH“, br.35/2006.).

Ministarstvo vanjske trgovine i ekonomskih odnosa u svojim godišnjim i srednjoročnim planovima planiralo nastavak aktivnosti na preuzimanjau direktiva novog pristupa. Takođe je bitno naglasiti da je formirana RG za izradu Strategije infrastrukture kvaliteta u BiH koja je počela sa radom na izradi Nacrta strategije.

**Ministar
Staša Košarac**

Dostaviti:

- Naslovu
- a/a